



Universitätsbibliothek Paderborn

**Floremundi Raemundi V. Cl. Olim Consiliarii Regis
Galliarvm Ex Calviniano Catholici Synopsis Omnia hujus
temporis Controversiarum tam inter Lutheranos,
Calvinistas quam alios plurimos. Sive Historia ...**

**Raemond, Florimond de
Coloniae Agrippinae, 1655**

II. Vnitas Ecclesiae post Lutheri aduentum in varias partes scissa.

urn:nbn:de:hbz:466:1-10880

LIBRI SECUNDI
ARGUMENTUM.

CAPUT I.

- I. Quae hoc II. libro continentur, vix fore ut à posteris
omnium facta fuisse credantur.
- II. Vnitas Ecclesia post Lutheri aduentum in varias
partes scissa.
- III. Origo Anabaptistarum.
- IV. Muncerus eorum Apostolus prodit.
- V. Saxonia Dux ne Muncerum ejiceret à Luthero im-
peditur.
- VI. Miracula Munceri eiusque discipulorum.

Hic ego te appello, chara posteritas. Quid tibi animi erit ista legenti? An cum Lemocrito incredibilem maiorum tuorum ridebis stultitiam; an vero cum Heraclito tot ex una Hæresi in viuendum Mundum, adeoque super te quoque effusas miseras deplorabis? Inuenientie fidem apud te quæ in hac tamquam tabula ad viuum representata adspicies? Credesne vnum sèculum tot peperisse monstra; vnum Monachum tot apostatas? Ad cuius tubam aperta abyssus, (a) tot maligni ac furiosi spiritus exfiltrerunt, qui pestilem suo afflatu uniuersam Christianam rem publicam miserrimum in modum infecerunt, omniaque depopulati sunt. Mibi quidem funestam hanc turmam intuenti.

— stant horrore coma, & vox faucibus haret.

Nam quis Apelles aut Protagoras tot monstra ad viuum depingat? Couabor nihilominus: pictorem illum imitans, qui ingentem hominum turbam vel exercitum depicturus, ante signos tantum & præcipuos duces cum omnibus lineamentis, armis & insignibus, reliquam vero multitudinem confusa quadam umbra, hic capite, illuc pede, ibi aliquo alio membro existante, expressit. Sic ego quoque præcipuos hæreticorum manipulorum, sub Luthero summo exercitus duce, præfectos, ad viuum, quoad potero, tibi representabo, cum eorum armis, insignibus & impedimentis; calonum, lizarum & reliquam mediastinam turbam digito tantum velut indicare contentus. Sed quemadmodum peritus belli dux hostiles copias è tumulo coetemplans, non primæ tantum sed & postremæ aciei intentionem, iter consilia obseruat: sic prudens Lector exercitum hunc Ecclesiæ hostium aspiciens, non solum qui qualesq; fuerint qui primos ducunt

ordines, sed etiam qui agmen claudunt, facile obseruabit. Sed vt dixi, pleramq; eorum patrem confusa tantum umbra representabo. Nam quis in tanta, hominū dicam an mōstrorum colluic, quā etiam summus ipsorum dux detectatur, ullum ordinem seruare? Quis tam multiformem diuersitatem certis lineamentis & coloribus exprimere possit?

Ac velut annosa erumpens ex arbore densum Vesparum (b) examen, magno cum murmure circum Hinc atq; inde volat, reddit haec, abit illa, volando Sejg, impediunt, subitus supraq; feruntur,
Et capita inter se quassant stridentibus aliis.

Sic infra videbis confusam hanc & vagabundam diuersissimorum hæreticorum turmam sine ordine, tumultuario inter se prælio configente. (c)

II. Eo tempore quo turba & confusione in Germania naci cœperunt, quod fuit circa annum MDXVIII. vniuersa Christianitas vna fide & religione erat unita, non nisi vnum Deum agnoscet, eius Vicario obediebat, eius statuta & decreta amplectebatur; sic vt vna omnium anima, sensus, vox, lingua esset: omnesque in vnius capituli notu ac sapienti gubernatione acquiescerent. Vnatum erat Ecclesia, Catholica vere appellata, vt quæ sua Vniuersalitate tam omniū dogmatum reuelatorū, quam hominum tum præsentis, tum p̄æteriorum sæculorum Christianitatem amplectebatur. At postquam Lutherus indiuisibilem hanc unitatem dissoluit, pars illa aulsa momenti temporis turbis in infinitas alias diuisa fuit: (d) vnde primus huius divisionis auctor ita fuit attonus, vt facti pœnitere, ac remedium velle querere videretur. Sed facile intelligebat, operam & oleum se perditurum. Sic enim inquit: (e) Quid hoc esse dicam? Vix vnum os diaboli obturo: & ecce decem ille alia aperit. Tum enim quisq; inter primos esse volebat. Vnus clamabat: Ecce hic Christus, (f) alius contra: Non ibi est, Sed ecce apud me. Omnes à Deo excitatos, à Deo missos se dicebant: non aliter quam si Spiritus Sancti afflentia non minus infallibiliter vnicuique singulatim, quam Ecclesiæ generatim esset promissa. (g) Licebat vnicuique de Deo sentire, scribere, & loqui quid & quomodo vellat, nullo anti-

quæ
a Apocal. 9 prolixe Lutherus cum sequacibus describitur. b Apocal. 5. Locustis assimilantur Lutheri sequaces. c idcirco S. Ioan. loco cit. Vocat. Locustas armatas in prælium d bellic. histor. Aug. conf. fol 15. & 16. e colloq. mens. fol. 58 b fol. 273. b. & in prefat. in 1. Tom. Germ. ien. f Matth. 14. g Eder inquisit. Euang. part. 1. fol. 9.

qua Fidei respectu. (a) Hic vnum, alias alium articulum conuellebat. Hic doctrinam, ille mores Ecclesiasticorum exagitabat: omnes vero nouis rebus studebant, (b) nectamen quid agerent sciabant. (c) Numquam inter Babylonicae turris adificatores maior fuit confusio & discordia quam inter nouos hos Euangelistas: qui nulla iure congruebant quam in perdendo, si fieri posset, summo Ecclesiae capite. Synagoga denique diabolorum quædam vberima existit: quemadmodum D. Paulus multis locis fore prædixerat. (d) Et quemadmodum Simonis magi omnium hæreticorum primi parentes & antesignani hæresis divisa fuit in Menandrianos, Basiliidianos & Saturninianos, ut Irenæus testatur; Marcionis in Lucianistas, Appellianos, Seuerianos, (e) Montani in Pepuzianos, Artotyritas, & Phrygatas; Arii in Acacianos, Macedonianos & Euomianos, ut Ruffinus scribit: sic Lutheri hæresis in tres velut præcipios ramos statim se diffudit, nemirum Anabaptistas, Sacramentarios & Confessionistas, (f) quos particulatum explicabo: e quibus deinde infinita alia hæreses velut stolones, enata sunt, ut ex sequentibus non sine admiratione videbis. Et has quidem tres sectas non inepit quis tribus ludorum sectis, (g) Phariseis, Sadduceis, & Essæis comparauerit. Horum primi, qui sublato libero arbitrio, ab in-
evitibili necessitate dependere omnia astrebant, Confessionistis sunt similes; secundum Sacramentariis; tertij Anabaptistis, quorum fides, ut ex Iosepho colligi potest, ab Essæorum fide non longe abscedit. Sed ab Anabaptistis exordiamur.

III. Qui superioris sæculi hæreticorum mores, & vitas, & quidem sape non sine oscitantia, descripsierunt, in eo parum consentiunt quisnam primus maledictæ & infernalis sectæ Anabaptistarum fuerit auctor. Hoc si Cardinalis aternum Poloniae decus, (h) Eccius & Lindanus nescio quem Baltasarem, Hubnerum Pacimontanum sive Fridbergensem auctorem faciunt, qui doctrinam hanc è Lutheri foatibus, ut infra videbitur, hauisit. Hic enim postquam ab antiqua Ecclesia defecisset visu nouam sequeretur: iamque cum etiam Lutheranus modo natæ, tamquam nimis antiquæ, scilicet religionis pœniteret, nouam inuenit. Quippe, *Quoniam gratus natus est omnibus*.

Lutheranos ergo reliquit, ut Anabaptistarum sectam condenseret, quos Germani Widersteffer appellant, eo quod ante plenam seu discretionis ætatem baptizatos, rebaptezant, Hic idem scripta ali-

quot sectæ suæ stabilendæ euulgauit: & quamuis Tiguri, vbi in vincula coniectus fuerat, errorem reuocasset, mox tamè ad vomitum rediit, & in Moravia doctrinam suam disseminauit, ac sanguine etiam suo (nam flammis exstus fuit) obsignauit, primum inter sanctissimos, si dij. placet, Anabaptistarum martyres locum sortitus. Bullingerus in libro quem contra Anabaptistas scripsit. (i) Nicolaus Storckius primum huiussectæ auctorem fuisse dicit, vt & Melanchthon: qui ramen alibi, vni & Erasmus Alberus, Carolstadio, Zuinglio vero Antonius Coruinus hæresin hanc imputant. Omnes tamen tam Lutheri quam Zuingli parti- bus addicti, quo magistros suos (vterque enim, si non vtrauctores, saltim vt qui anam dedissent, hæ- resis huius laborarunt infamia) excusent, Thomæ Muncero sacerdoti apostatae Carolstadij discipulo, præcipuas partes adscribunt. Muncero, inquam, homini cœlitus maledicto inferis benedicto, & infausto terræ portento: qui postquam Lutheri libros *De Libertate Christianæ seu Euangelica*, & *de Captiuitate Babylonica legisset*, primus Germaniæ solum seductorum à se sanguine rigauit. Et hic quidem eodem fere tempore, quo Lutherus Euangelicorum, factus fuit Anabaptistarum antesigna-
nus.

a Luth. tom. 4. Germ. fol. 319. b. Tom 1. Germ. fol. 537. colloq. men. fol. 4 a. tom. 2. Germ. fol. 119 b. & 225. a. b Vide bellum S. Euangel. Andr. Iurgica. Schlusselb. catal. heretici. Admonit. Ioh. Lengenbrunner quidam de Luth. eius doct. & Prædicantibus reliquis sentiendum. c Vlenberg. causa 13. c. 15. & ca. 16. d Phil. 3.7. & 1. Petri. 1. e Prætolus lit. 5. f Vlenberg. causa 9. c. 9. Anatomia Ecclesia Catholica. g Iosephus 1. 2. cap. 2. de Bello. h lib. 1. de Hæres. nostræ temp. fol. 431. i de Orig. Anab. 1. cap. 1. fol. 1. & cap. 6. fol. 12. Lamb. Horien. lib. de Anab. fol. 1. Arnold. Meshouius in Histor. Anabapt. Franck. Chron. part. 3. liter. VV. Cas- sand. & alij. Mycon. in vita Zuingl. Bucching. Chron. à nat. Chr. fol. 340. Herm. Moded. histor. de prim. Anab. auctor. fol. 63. Sacrament. prefat. in Protocoll. Franckenthalense. Vlenb. causa 9. cap. 9. fol. 107. Bismare. in vita Carlstadij. Seidel. fol. 54. hist. Luth. Crustus par. 3. hist. Suev. An. 22. Luc. Osland. cent. 16. lib. 1. his- tor. cap. 36. fol. 98. Seidel. hist. Luth. fol. 16. Pomar. his- tor. Sax. fol. 593. Selnech. hist. Aug. conf. fol. 31. Moded. de auct. Anab. fol. 67. cap. IIII. Sleid. lib. 4. & 5. fol. 99 & seq. Coch. in Act. Luth. fol. 130. L. Sur. com. hist. fol. 140. Spang. Chron. Sax. & Mansfeld fol. 605. ad fol. 618. k Eras. Alber. libr. contr. Carlstadij.